

» del Mazor Conseggio per un corso de anni, dicendo in mille
 » ghe n'è un solo, eccellentissimo signor, dariela sta risolucion? Se
 » ella ghe ne avesse sie e mi cinque, questo bastarave: ma mi ghe
 » n'ho cinque, e ella nessun. Ma quai casi? Uno fra i altri, quattro
 » anni dopo el libro d'oro. Era a Padoa el nobil uomo sier Ago-
 » stin da Mulla podestà mal disposto de salute, infermo, nol podeva
 » attender al governo de una città, molestada massime da scolari
 » de tante nazon. El Conseggio de X in allora sulle istanze del da
 » Mulla ha eletto Marco Foscarì a Padoa. Questo va al suo impie-
 » go, el trova un podestà, nè el pol far gnente, perchè el comando
 » stava presso de ello, nè el se ne podeva spogiar lo stesso o altri,
 » se non che el Mazor Conseggio. Ha dà allora i cai del Conseggio
 » de X un eccitamento ai conseggiari. Questi ze venudi al Conseg-
 » gio con una proposizion: due cai non persuasi se ze notai scon-
 » tro, proponendoghene un'altra; el terzo cao, non essendo in opi-
 » nion coi altri due ghe ne ha proposto in scontro una terza. Se in
 » allora el Conseggio de X avesse inteso colla sua legge 1443 de
 » impedir el scontrar dei cai, certo ch'el sarave sta el momento
 » de levarghe la pena, tanto più che *melius est interpretari, quam*
 » *concedere*. Sulla interpretazion della sua legge l'averave impe-
 » dido ai cai de scontrar, tanto più che el cao solo ha guadagnà
 » con 988 voti, avendoghene avudo i conseggiari 179 e i due cai
 » 116. Ze certo principio de sana politica el lasciar, che tutto coi
 » metodi de governo se consumi e se finisca.

» Altro caso. I conseggiari e due cai ha proposto, che i nobili
 » eletti nei reggimenti esterni vada ai loro impieghi. Un cao de XL
 » ha eccepido i camarlenghi nel tempo che i ha finido d'esser alla
 » cassa. I proponenti 591 voti, el scontro ghe ne ha avudo 790.
 » Ghe fu detto, che *pro quiete* no ghe vol scontro, e mi rispondo,
 » che *pro quiete* ogni volta ghe ze sta scontro, perchè quello, ch'el
 » scontro ha proposto, fu sempre preso.

» Ho sostenudo la causa dei conseggi de XL. Lo confesso, tut-
 » to quel che ho, è un special dono della sua clemenza. Non m'è